

Visoki predstavnik se sastao s portugalskim državnim sekretarom: Građanima BiH se mora pružiti podrška



Iako u Bosni i Hercegovini često nema političkog konsenzusa, međunarodna zajednica radi na pružanju pomoći građanima Bosne i Hercegovine, rekao je danas visoki predstavnik Valentin Inzko tokom sastanka s portugalskim državnim sekretarom za evropske poslove, dr Brunom Maçãesom.

On je dodao da situacija u Bosni i Hercegovini i dalje nosi brojne izazove jer su neki političari iskoristili ustavne mehanizme kako bi blokirali donošenje hitno potrebnih zakona i nisu uspjeli osmisliti politiku koja može izvući zemlju iz ekonomskih i socijalnih teškoća.

Visoki predstavnik je rekao da direktna intervencija građana, putem mirnih demonstracija i plenuma – i, što je najvažnije, putem glasačkih listića u oktobru – može osigurati dinamičniji i hrabriji angažman građana Bosne i Hercegovine u političkom procesu.

„Došlo je vrijeme da oživimo našu viziju“, rekao je visoki predstavnik. „Bosna i Hercegovina nije tehnička vježba nego politički izazov. Moramo udvostručiti naše napore i moramo to učiniti brzo.“ Visoki predstavnik je rekao da je OHR spreman da „preuzme aktivnu ulogu u nastojanjima da BiH krene

naprijed.“